

ԹՈՆՈՂՐԱԿԵԳԻՆԵՐԻ ՇԱՐԺՈՒՄԸ

Թ-ԺԱ. դարերում

ՎԱՐԴԳԻՍ ՀԱՄԱԶԱՍՊԵԱՆ

Միջնադարեան հայ աղանդաւորական շարժումների մասին բազմաթիւ գրքեր, ուսումնասիրութիւններ են գրուել: Այդ շարժումները հետազոտողները դրանք դիտել են որպէս սոցիալական շարժումներ, որոնք ուղղուած են եղել տիրող աւատապետական ճնշման դէմ: Միանդամայն հասկանալի է, որ ժամանակի պատմիչները չէին կարող գրել այդ շարժումների գաղափարախօսութեան ու նպատակների մասին, սակայն միաժամանակ չէին կարող չնկատել ժողովրդական այն յուզումներն ու բողոքները, որոնք ուղղուած էին ժամանակի տիրող կարգերի դէմ: Ուստի մեզ հասած աղբիւրների եւ նրանցում պահպանուած հատ ու կենտ տեղեկութիւնների հիման վրայ գրուել են բազմաթիւ գրքեր, ուսումնասիրութիւններ: Թոնողրակեցիների մասին եւս գրուել են բաւականին ուսումնասիրութիւններ, ե՛ւ անցեալում, ե՛ւ սովետական շրջանում, սակայն այդ ուսումնասիրութիւններից եւ ոչ մէկը առանձին գրքով լոյս չի տեսել: Սոցիալական այդ շարժման մասին սկզբնաղբիւրներից կարելի է յիշատակել «Գիրք Թղթոց»ը, Ան. Նարեկացու «Գիր-Սոստովանութիւնը», «Կանոնագիրք Հայոց»ը, Գր. Նարեկացու «Մատեան Ողբերգութեան» համապատասխան գլուխը ուղղուած թոնողրակեցիների եւ մանիքեցիների դէմ, Արիստակէս Լաստիվերացու «Պատմութեան» մի քանի գլուխները, Ստեփանոս Տարօնեցու (Ասողիկ) «Պատմութիւն Տիեզերական»ը եւ բազմաթիւ այլ գործեր, որոնց մէջ եղած յիշատակութիւնները ասում են, որ այդ շարժումը մեծ ծաւալում է ունեցել եւ իր դեմոկրատական գաղափարներով վարակել ոչ միայն զիւղացիներին, այլեւ մտաւորականութեան շատ ներկայացուցիչներին:

ԺԱ. դարի պատմաբան Արխատակէս Լաստիվերտցին գրում է, որ նրանց, այսինքն թոնդրակեցիների գաղափարների եւ դործերի շարադրանքը վտանգաւոր է «զի ոչ ամենայն ոք պնդակազմ է լսելէօք» եւ շատերը կարգալով այն կարող են հետեւել նրանց գաղափարներին :

Թոնդրակեցիների գաղափարների ճշմարտութեան ուժն իմանալու համար, անհրաժեշտ է դիտենալ այն ժամանակաշրջանն ու պայմանները, որոնք պարարտ հող ստեղծեցին ու ծնունդ տուին առաջաւոր այդ գաղափարներին :

Պատմութիւնից յայտնի է, որ 885 թուականին Հայաստանում հաստատուում է թաղաւորական մի նոր հարստութիւն, որը տեւում է շուրջ հարիւր վաթսուն տարի, եւ որի տիրապետութեան շրջանում Հայաստանն ապրում է անտեսական զարգացման մի նոր շրջան :

Այդ շրջանը, հայ պատմութեան առանձին հետազոտողներ, համարում են հայկական աւատապետութեան ծաղկման շրջան, իսկ ուրիշները չմերժելով այդ հանգամանքը, միաժամանակ նկատում են Հայաստանի ընկերային-անտեսական կեանքում մի շարք երեւայթներ, որոնք աւատապետութեան քայքայումն են ցոյց տալիս : Ժամանակակից աղբիւրների բոլոր վկայութիւնները հաւանական, ուշադրաւ ակնարկներ են, եւ նշում են որ այդ շրջանում Հայաստանի անտեսական կեանքը վերակառուցւում էր նոր հիմքերի վրայ : Կարելի է, հետեւապէս, ենթադրել որ բազրատունիների շրջանի քաղաքների արագ բարդաւաճումը, առեւտրի ու արդիւնաբերութեան զարգացումը, «հարուստ եւ ազդեցիկ հայ առեւտրական ու բուրժուական դասակարգի աստիճանական զարգացումը», ինչպէս ասում է ակադ. Յ. Մանանդեանը, «Հայաստանում եւս հետզհետէ նպաստելու էին անտեսական, սոցիալական ու քաղաքական նոր յարաբերութիւնների առաջացման, եւ միանգամայն հնարաւոր է, որ այստեղ եւս Ֆէոդալիզմը քայքայուէր ներքուստ, եթէ Բագրատունեաց Հայաստանի զարգացման այս ընթացքը չընդհատուէր սելջուկեան արշաւանքների ժամանակ»(1) :

Բագրատունիներու տիրապետութեան ժամանակաշրջանը հետաքրքիր է ոչ միայն իր անտեսաձեւով, այլեւ իր քաղաքական իւրայատկութեամբ : Աւելի քան 160 տարիների ընթացքում, չնայած բագրատունիների բոլոր ջանքերին, հայ ժողովուրդը չմիաւորուեց մէկ միասնական պետութեան մէջ, այլ մնաց բաժանուած մի շարք անջատ իշխանութիւնների ու էմիրութիւնների միջեւ : Դեռ բագրատունիներու տիրապետութեան առաջին տասնամեակներում

1) Հ. Մանանդեան, Ֆեոդալիզմը Հին Հայաստանում, Երևան, 1984, էջ 288 :

մենք տեսնում ենք իրենց ունեցուածքով ու քաղաքական դիրքով թաղաւորական տան հաւասար այնպիսի նախարարական տներ, ինչպիսիք էին արծրունիները, սիւնիները: Նրանք ոչ միայն մըրցում, այլեւ յաճախ օդտադործելով թաղաւորական տան թուղութիւնը, անջատում էին նրանից եւ կազմում էին ինքնուրոյն թաղաւորութիւններ: Անշուշտ, սխալ կը լինէր կարծել, թէ բազրատունիներին իրենց տիրապետութեան որոշ շրջաններում չի յաջողուել սանձել երկրի կեդրոնախոյս ուժերին, ենթարկել նրանց թաղաւորական իշխանութեանը: Մեր պատմական աղբիւրներում պահպանուել են բաւարար քանակութեամբ վկայութիւններ, ըստ որոնց բազրատունիները շատ յամառ պայքար են մղել ինչպէս օտար նուաճողներէ, այդպէս էլ երկրի առանձին նախարարական տների դէմ՝ ուժեղ, կեդրոնաձիգ պետութեան ստեղծման համար:

Չպէտք է անտեսել, որ եղել են այնպիսի շրջաններ, երբ ուժեղացել է բազրատունիների գերիշխանութիւնը, մեծացել արծրունիների կախուածութիւնը բազրատունիներից, Սիւնիքի իշխանները ճանաչել են նրանց գերիշխանութիւնը, Տայքը եւ Վանանդը հընազանդութիւն են յայտնել, իսկ արարական առանձին էմիրութիւններ, նոյնիսկ հարկ են վճարել Շիրակի բազրատունիներին: Անտարակուսելի է, որ բազրատունեաց թաղաւորութեան հենց այդ ժամանակաշրջանում, չնայած ծանր շահագործման եւ արտաքին ու ներքին պատերազմների սպառնալիքներին, հայ ժողովուրդն ապրել է տնտեսական ու մշակութային կեանքի համեմատաբար բարենպաստ ու խաղաղ ժամանակամիջոցներ եւ կարողացել են կարճ ընդմիջումներով շունչ քաշել խաղաղ երկնքի տակ:

Այդ կարճատեւ ժամանակաշրջանները բարերար ազդեցութիւն են ունեցել երկրի տնտեսական ու մշակութային կեանքի զարգացման վրայ:

Մեզ հասած պատմական աղբիւրներից պարզ երեւում է, որ բազրատունիների տիրապետութեան շրջանում ժողովրդի հիմնական զբաղմունքը մնում էր հողագործութիւնը, բայց այդ բնազաւառում եւս նկատելի են աչքի ընկնող փոփոխութիւններ: Թ.—ԺԱ. դարերում դիւղատնտեսութիւնը բաւականին առաջադիմել էր: Հացահատիկի կողքին արդէն նկատելի է նոր կուլտուրաների՝ բամպակի, բրինձի, կտաւատի, խաղողի եւ տեխնիկական այլ բոյսերի լայն տարածումը: Հանդէս է գալիս նաեւ շերամապահութիւնը, զարգացում է ապրում անասնապահութիւնը, առանձնապէս ոչխարաբուծութիւնը, որը հարուստ հիմք էր ստեղծում բրդի մշակութեան համար:

Գիւղատնտեսութեան հետ զարգացում է ապրում նաեւ արհեստագործութիւնը: Բնորոշը այս շրջանում այն է, որ արհեստը անջատուում է գիւղատնտեսութիւնից եւ դառնում բաւականին պատկառելի թուով մարդկանց համար հիմնական զբաղմունք: Ահադեմիկոս Մառի Անիում կատարած հնարարական պեղումներն ու ուսումնասիրութիւնները ցոյց են տալիս, որ արհեստների շատ ճիւղեր հասել էին իրենց կատարելութեան եւ այդ ճիւղերի արտադրանքը դարձել էր ոչ միայն ներքին, այլեւ արտաքին շուկայի ըստ պտման առարկայ:

Հայ եւ օտար պատմիչների վկայութիւնից պարզուում է, որ Հայաստանում առանձնապէս զարգացած է եղել մետաքսագործութիւնը, գորգագործութիւնը, ջուլհակութիւնը, արծաթագործութիւնը, պղնձագործութիւնը: Անիում յայտնաբերուած մի շարք արհեստաւորական թաղամասերը ցոյց են տալիս, որ Թ.Ա. դարերում Հայ արհեստաւորները արդէն ունէին իրենց կազմած համաբարութիւնները:

Արաբական աղբիւրների վկայութեամբ Հայաստանում արդէ զարգացում է ապրել մանածագործութիւնը: Դուրիւր հռչակուած էր իր նուրբ գործուածքներով, միջնադարեան առեւտրի կեդրոն Տրապիզոնում՝ ճանաչում էին գտել հայկական մետաքսեայ նուրբ գործուածքները եւ յատկապէս դիպակը: Մանածագործութեան եւ գորգագործութեան զարգացմանը մեծապէս նպաստում էին նաեւ արդէն լայն չափերով օգտագործուող հայկական բնական ու արհեստական ներկերը, մասնաւորապէս որդան կարմիրը: Այս շրջանում նկատելի առաջընթաց է ապրում հանքագործութիւնը՝ արծաթի եւ պղինձի մշակումը: Արհեստների զարգացումը պայմաններ է ստեղծում ապրանքափոխանակութեան եւ առեւտրական յարաբերութիւնների ծաղկման: Հայաստանի վրայով անցնող միջազգային նշանակութիւն ունեցող ճանապարհի ողջ երկարութեամբ ծաղկում են առեւտրի եւ արտադրութեան խոշոր կեդրոններ՝ Անին, Կարսը, Դուրիւր, Արծնը եւ մի շարք այլ քաղաքներ: Գտնուելով արեւելքից-արեւմուտք տանող առեւտրական ճանապարհին, Անին դարձաւ միջազգային տարանցիկ-տրանզիտ առեւտրի կեդրոն եւ կարճ ժամանակամիջոցում ճանաչուեց որպէս «Տիեզերահռչակ» քաղաք: Կարինն ու Արծնը նոյնպէս դարձել էին վաճառաշահ կեդրոններ: Արիստակէս Լաստիվերտցին Կարսի մասին գրում է. «Հարըստացեալք բաղում ընչեղութեամբ 'ի ծովէ եւ 'ի ցամաքէ ամբարևար»(2):

2) Ա. Լաստիվերտցի, Պատմութիւն, Թիֆլիս, 1912, էջ 78, 91:

Հետաքրքրական են նաև այդ քաղաքների բնակչութեան մասին մեզի հասած թուական տուեալները: Թովմաս Արծրունու վկայութեամբ՝ 853 թ. երկրաշարժից Գուինում զոհուել է 70 հազար բնակիչ: Գէորգի Կեղերինի տեղեկութիւններով Արծնը զրաւելու ժամանակ սելճուքները 1049 թ. ոչնչացրել են 140 հազար մարդ: Որոշ տուեալների համաձայն Անիում բնակիչների թիւը այդ տարիներին 100 հազարից պակաս չպէտք է լինէր: Բնակչութեան՝ արհեստաւորների եւ առեւտրականների կեդրոնացումը քաղաքներում պահանջ էր դնում նոր բնակելի տարածութիւնների, արհեստանոցների, առեւտրական շէնքերի եւ այլ կառոյցների: Քաղաքների ստեղծման ու զեղեցկացման զործում մեծ դեր էին կատարում արհեստաւորներն ու առեւտրականները:

Քաղաքներում ազրոզ հայ ազնուականութեանը, հոգեւորականութեանը, մանր հողատէրերի եւ առեւտրականների նիստուկացը, կենցաղը, սովորութիւնները, նոյնիսկ հանդերձանքը յարմարեցնում էին իրենց ունեցուածքին: Հաղնում էին դիպակ, մետաքսէ պատմուճաններ՝ ոսկեթել ասեղնազործերով: Շքեղ են եղել նաև տնային կահ-կարասիները, զորդերը, բազմոցները, վարադոյրները: Իշխաններն ու ազնուականները կրել են զեղեցկի արծաթապատեան սրեր, որոնց մեծ մասը պատրաստուում էին տեղական արհեստաւորների ձեռքով:

Թ. դարի վերջին եւ Ժ. դարի ամբողջ ընթացքում երկրի հարստութիւններն ու նիւթական կարողութիւնները կեդրոնանում էին մի կողմից խոշոր կալուածատիրութեան, իսկ միւս կողմից առեւտրական դասի ձեռքում: Հանդէս է պալիս զբամական տնտեսութիւնը, դրամն այս շրջանում դառնում է մի տեսակ աստուած. «Եւ յարդի եղեւ արծաթսիրութիւն քան զաստուածսիրութիւն, եւ մամոնայն քան զՔրիստոս...» (3):

Հարստութեան դիզման, շուայտ ու փարթամ կեանքի համար կրկնապատկում է աշխատաւորութեան շահագործումը: Մեծ ծաւալ է ստանում խարեբայութիւնը, զոգութիւնը, կաշառակերութիւնը, վաշխառութիւնը:

«Իշխանք սորա գողակիցք եղեն զողոց – գրում է Լաստիվերտցին Արծն քաղաքի մասին – դատաւորք սորա կաշառառուք եւ վասն կաշառաց գողանային զիրաւունս...» (4):

Հողը եւ երկրի հարստութիւնները վաշխառութեան, գողութեան, կաշառակերութեան եւ այլ ճանապարհներով կեդրոնանում

3) Ա. Լաստիվերտցի, էջ 79:

4) Նայն տեղը, էջ 79:

են ոչ միայն վաշխառուների, առեւտրական դասի, ազնուականութեան, այլեւ եկեղեցու եւ եկեղեցականների ձեռքում:

Հոգեւորականութիւնը, «հոգու փրկութեան» քօղի տակ մեծ միջոցներ, եւ առաջին հերթին կալուածներ ու շինականներ էր ձեռք բերում իշխաններից ու մեծատուն առեւտրականներից, եւ իր նիստ ու կացով ու կենցաղով եւ չէր մնում իշխող խաւերից: Ժ. դարում մեծ ծաւալ է ստանում վանքաշինութիւնը: Արաս թաղաւորի օրօք կառուցւում են Կամրջաձորի վանքը՝ Արշարունիքում, Հոռմիսի դպրեվանքը՝ Շիրակում, Խլաձորի վանքը՝ Դերջանում, Հնձոցի, Յախաձքարի, Տաթեւի, Նարեկի եւ բազմաթիւ այլ վանքեր: Աշոտ Երրորդի ժամանակ կառուցւում են Հաղբատի եւ Սանահինի վանքերը: Վանքերի կառուցմանը զուգընթաց աճում է նաեւ վանականների թիւը, նրանք խմբերով լցւում էին եղբայրանոցները եւ նոր բնա դառնում աշխատաւորութեան վզին: Վանքի կամ եկեղեցու ունեցած կարողութիւնն ու ազդեցութիւնը այս շրջանում չափւում էր ոչ միայն նրա ունեցուածքով, կալուածների ու շինականների քանակով, այլեւ վանականների թուով: Տաթեւի վանքի միաբանութիւնն բաղկացած է եղել հինգ հարիւր եղբայրներից: Նուիրատուութիւնների, դնումների, առեւտրի ու վաշխառութեան միջոցով եկեղեցին իր ձեռքում էր կեդրոնացնում ոչ միայն հողային մեծ տարածութիւններ, այլեւ խոշոր գումարներ:

Գիւղացիների տեղահանման, վանքերի կողմից նոր հողային տարածութիւնների դնման ու նուիրատուութիւնների վերաբերեալ հարուստ տեղեկութիւններ է հաղորդում Ստեփանոս Օրբէլեանը: Պատմիչները բազմաթիւ տեղեկութիւններ հաղորդում են ոչ միայն նուիրատուութեան, այլեւ վանքերի ու եկեղեցիների կողմից գիւղերի հողային տարածութիւնների, ջրերի ու անտառների դնման մասին: Ստ. Օրբէլեանը իր պատմութեան մէջ փաստաթղթեր է մէջբերում Յակոբ Եպիսկոպոսի կողմից 12000 դրամով եւ մի պատուական գոհարով «վարարակ ջրի» (ջրանցք)՝ Ֆիլիպ իշխանից դնման մասին(5): Լիակատար տէրը դառնալով հողային մեծ տարածութիւնների եւ այդ մեծ ջրանցքի, Տաթեւի վանքը մի շարք դիւղեր գցում է տնտեսական հարկադրական կախման մէջ:

Օգտուելով եկեղեցիների եւ վանքերի տնտեսական ու իրաւական հզօրութիւնից՝ դրամ դիղելու, ինչպէս եւ հսկայական հողային տարածութիւններ դրաւելու մարմաջով են բռնւում նաեւ անհատ հոգեւորականներ, եկեղեցու բարձր պաշտօնեաներ: Խոշոր հողատէր ու կալուածատէր է եղել Պետրոս Գետադարձ կաթողիկո-

5) Ստ. Օրբէլեան, Պատմութիւն Նահանգին Սիսական, Թիֆլիս, 1910, էջ 256:

սը (1019-1059 թթ.): Մատթ. Ուռհայեցու վկայութեամբ. «Ունէր կազմութիւն հայրենեաց՝ տուեալ է թագաւորացն Հայոց՝ Հինգ հարիւր դեղ անուանի եւ մեծանխտ եւ շահաւէտ ընաիր, ընտիր... (6): Կալուածքների հետ Պետրոսը կուտակում է նաեւ մեծ քանակութեամբ դանձ «քանդի - ինչպէս վկայում է Լաստիվերացին -, յոյժ սիրող էր դանձուց Պետրոս»(7):

Նկարագրելով սելճուքների եւ թուրքերի կողմից Արծն քաղաքի դրաւումն ու կողոպտւած, Մատթէոս Ուռհայեցին տեղեկութիւններ է հաղորդում քոռ եպիսկոպոս Դաւթակի ունեցուածքի մասին: Լինելով դաւառատեսուչ, նա անաղնիւ, խարդախ ճանապարհներով կուտակել էր հսկայական նիւթական միջոցներ: Դաւթակը բացառութիւն չէր, հարիւրաւոր դաւթակներ հողերի դրաւման, դիւղացիութեան ծանր շահագործման դնով ձեռք էին բերում մեծ հարստութիւններ: Երկրի ներսում պատրաստուող եւ հեռաւոր երկրներից ստացուող թանկ ու շքեղ առարկաներով հեղեղուած շուկան պահանջում էր մեծ միջոցներ: Գնման ու փոխանակման միջոցները՝ առաջին հերթին դրամը, դարձել էին պաշտամունքի առարկայ, նոր աստուած:

Դրամական տնտեսութիւնը փոխել էր մարդկանց հոգեբանութիւնը, նրանց մտածելակերպը, բարքերը: Կալուածատէրերի ու հողեւորականների հետ մէկտեղ շարաշահումների ու շահագործման առատ դուռ էր բացում նաեւ վաշխառուների ու առեւտրականների համար:

Ոնեղճ դիւղացուն դցելով իր ճիրանների մէջ, վաշխառուն աստիճանաբար քամում էր նրան, ստիպում վաշխի դիմաց տալ իր անասունները, ունեցուածքը, ողջ կարողութիւնը:

Այսպիսով, թ. դարից սկսած Հայաստանի սոցիալ-տնտեսական յարաբերութիւններում նկատելի են մի շարք արմատական փոփոխութիւններ ու տեղաշարժեր: Այդ նոր յարաբերութիւնների ոլորտում դասակարգային ու դասային հակամարտութիւնները այն աստիճան են սրւում, որ երկիրը յղի է դառնում սոցիալական բախումներով ու գաղափարական սուր դժոխմարտերով: Բոլոր դասակարգերի առաջ ծառանում են հարցեր ու պահանջներ, որոնց լուծման ճանապարհը սոցիալական գործօն պայքարի, հնի պաշտպանութեան համար մղուող պայքարի ճանապարհն է:

Թ.-ԺԱ. դարերի Հայաստանի սոցիալ-տնտեսական կեանքում սրուել էին յարաբերութիւններն իրար հակառակ, հիմնականում

6) Մ. Ուռհայեցի, Ժամանակագրութիւն, Վաղարշապատ, 1898 թ., էջ 153:

7) Ա. Լաստիվերացի, էջ 89:

Լրկու բանակների միջեւ, աւատապետութեան բանակ (աղնուակա-
նութիւն, կղերականութիւն) եւ դեմոկրատական բանակ (առեւ-
տրականութիւն, արհեստաւորութիւն եւ գիւղացիութիւն) :

Այդ երկու իրարամերժ բանակները միատարր չէին, ներ-դա-
նակարգային սուր բախումների առատ հող էր ստեղծուել բանակ-
ներից իւրաքանչիւրի, եւ յատկապէս իշխող բանակի ներսում : Այդ
դասակարգային հակամարտութիւնները իրենց զգալ էին տալիս
մերթ քողարկուած ձեւով, միստիքական շղարշի տակ, մերթ աւա-
տապետական յարաբերութիւնների ու դադափարախօսութեան բա-
ցարձակ ժխտումով, իսկ երբեմն նաեւ գինուած, բայց տեղական
մասշտաբի գիւղացիական ելոյթներով :

Աւելի քան հարիւր յիսուն տարի, Թ.ՓԱ. դարերի ընթաց-
քում, հայ աւատապետութեան բանակը ապրում էր ահ ու սարսա-
փի մէջ գիւղացիական այն յուզումներից ու շարժումներից, որոնք
աղանդաւորական դադափարների քօղի տակ մղւում էին յանուն ար-
դարացի սոցիալ-տնտեսական յարաբերութիւնների, գիւղացիու-
թեան ծանր վիճակի բարելւման, ազատ կեանքի ու ազատ մտքի :



Միջնադարեան գիւղացիական շարժումների հիմնադիրների
եւ դեկավարների մասին վստահելի, ստոյգ տեղեկութիւններ մեզ
չեն հասել : Աւելի քան երկու հարիւր տարի շարունակուող ու ծա-
ւալուող թոնդրակեցիների շարժման հիմնադիրն ու դադափարախօ-
սը, ըստ մեր բոլոր պատմիչների ու աղբիւրների, հանդիսանում է
մի ոմն Սմբատ՝ Ծաղկոտն գաւառի Ջարեհաւան գիւղից :

890-ական թուականներին, գալով Ապահունեաց գաւառի
Թոնդրակ գիւղը, Սմբատ Ջարեհաւանցին քարոզում է իր նոր դա-
դափարները, ուղղուած առաջին հերթին աւատապետական հասա-
րակարգի բոլոր անարդարութիւնները սրբազործող, շահագործող-
ներին հովանաւորող եկեղեցու եւ կղերականութեան դէմ :

Ի՞նչ դադափարներ էր քարոզում Սմբատ Ջարեհաւանցին :

Այս հարցին պատասխան տալու համար մենք ունենք հիմնա-
կանում երեք սկզբնաղբիւր, դրանք են՝ Գրիգոր Նարեկացու
«Թուղթ Կճավայ վանքի միաբաններին», Գրիգոր Մազիստրոսի ծա-
նօթ նամակները եւ Արիստակէս Լաստիվերտցու «Հայոց Պատմու-
թիւն»-ը : Օժանդակ աղբիւրներ են Ներսէս Շնորհալու «Թուղթ
Ընդհանրական», Ստեփանոս Օրբէլեանի «Բան դիմադրական ընդդէմ
Հերձուածոցն» աշխատութիւնը, Պօղոս Տարօնեցու դաւանաբանա-

կան դրուածքն ընդդէմ քաղկեդոնականութեան, եւ մի շարք այլ հեղինակների մօտ պահպանուած թոուցիկ տեղեկութիւններն ու ակնարկները:

Սկընդազբիւրների ուսումնասիրութիւնը ցոյց է տալիս, որ Սմբատ Չարեհաւանցին եւ իր համախոհները իրենց պայքարի ամենասուր ծայրը ուղղում էին եկեղեցւոյ դէմ, որպէս աւատապետական կարգերի ամենից ամուր յենարանի: Նրանք քարոզում էին հըրաժարուել եկեղեցուն ենթարկուելուց, նրան հարկեր ու տուրքեր վճարելուց:

Այս յեղափոխական քայլը նրանց կողմից, ի հարկէ պէտք է հիմնաւորուէր տեսականօրէն, նրանք պէտք է հաշիւ տային իրենց հետեւորդներին կատարած դործի արդարացիութեան մասին: Եւ որպէս կուռ աշխարհայեացք, կազմաւորուած է թոնդրակեցիների հակաեկեղեցական ուսմունքը:

Սմբատ Չարեհաւանցին քարոզում է, որ ամէն մարդ լինելով ազատ ու անկաշկանդ, կարող է ազատ կամքով ընտրել իր կեանքի ճանապարհը՝ կամ համաձայն աստուածային օրէնքների, կամ ընդդէմ այդ օրէնքների: Իւրաքանչիւր անհատ ինքն է պատասխանատու իր սրբաբնների համար եւ առանց կողմնակի միջնորդութեան, այսինքըն՝ առանց կղերականների օգնութեան, կարող է վաստակել անդրաշխարհային վայելքները ճաշակելու իրաւունքը: Ուստի՝ եկեղեցին աւելորդ է: Ուստի՝ անընդունելի են եկեղեցու խորհուրդները:

Մկրտութիւնը, որով մանուկն ընդունուած է եկեղեցու դիրկը, մի սովորական լուսացում է եւ ոչինչ չունի խորհրդաւոր: Աւազանը՝ սովորական ջրաման է եւ ոչինչով չի օգնելու կնքուողին թէ այս, թէ միւս աշխարհում: Այս դրոյթից հետեւում է, որ եկեղեցին մկրտութեան պատուոզրով այլեւս իրաւունք չպէտք է ունենայ դիրկը հսկայական նիւթական արժէքներ ու դրամ:

Պսակի եւ ամուսնութեան մէջ նոյնպէս եկեղեցին իրաւունք չունի խառնուելու, այդ աւիթով արուած ծէսերն ու արարողութիւնները անիմաստ են, հետեւաբար եւ աւելորդ: Ամուսնութեան հիմքում պէտք է ընկած լինի զոյգերի փոխադարձ սէրն ու համաձայնութիւնը: Այստեղից հետեւում է, որ եկեղեցու պաշտօնեաները զրկուելու են իրենց հասոյթների նաեւ միւս կարեւոր աղբիւրներից:

Հաղորդութիւնը եւ ողջ պատարագը դատարկ ու սնոտի արարողութիւններ են եւ ոչ մի օգուտ չեն բերում հաւատացեալներին:

Թոնդրակեցիների ղեկավարներից Կիւրեղը (ըստ Մխիթ. Աւարանեցու՝ Սմբատի անմիջական աշակերտներից մէկը(8)) վերցրնելով հաղորդութեան խմորը թրջում էր հաղորդութեան դինու մէջ եւ դէն էր նետում ասելով. «Այդ է խարէութիւն քրիստոնէից»(9) :

Ասածուն ձնուող նուէրները (երախայրիք), մատաղը, հոգեհանգիստը, հոգեղրամը միայն մէկ իմաստ ունեն, նրանց միջոցով եկեղեցու պաշտօնեաները հնարաւորութիւն են ստանում աւելի փարթամ ու շուայտ կեանք վարելու ի հաշիւ մոլորուած ժողովրդի, ուրեմն՝ պէտք է նուէրներ ու զոհարերութիւններ կատարել: Թոնդրակեցիների ղեկավարներից մէկը ծաղրելով մատաղի սովորութիւնը, մատաղցու անասուններին դիմելով ասում է. «Ա՛յ տառապեալ չորքոտանի, թո՛ղ թէ նա (այն անձը, որի հոգու փրկութեան համար մատաղ էին մորթելու, Վ. Հ.) զիւր ժամանակն մեզս արար եւ մեռաւ, դու զի՞նչ մեղար, որ ընդ նմա մեռանիս»(10) :

Նոյնպիսի դատապարտութիւններով նրանք ժխտում էին ձեռնադրութիւնը, ծնրադրութիւնը, եկեղեցում արուող աղօթքը, պահքը, եկեղեցական բոլոր ծէսերն ու արարողութիւնները:

Այսպիսով Սմբատ Զարեհաւանցին ժխտում էր եկեղեցու անհրաժեշտութիւնը: Սմբատի աշակերտ Կիւրեղը ուղղակի յայտարարում էր. «Աստուած ընդամենայն տեղիս է» եւ նրան պաշտելու համար չպէտք է մտնել եկեղեցի, չպէտք է պաշտել խաչն ու պատկերները, եկեղեցական զգեստներն ու անօթները, որովհետեւ. «մենք աստուածապաշտ ենք եւ ոչ թէ նիւթապաշտ»(11) :

Այս բոլորից բխում է Սմբատի եւ նրա մերձաւոր հետեւորդների ուսմունքի ամենայնզափոխական դրոյթներից մէկը՝ պաշտօնական եկեղեցու ամբողջական ժխտումը ու հայ եկեղեցու սահմանադատուած, անկախ ու ուրոյն սկզբունքների վրայ խարսխուած համայնքների ստեղծումը:

Ժխտելով աւատապետութեան հլու սպասաւոր եկեղեցին, որպէս անարդարացի սոցիալ-տնտեսական յարաբերութիւնների կրողի եւ ստեղծելով Թոնդրակեան դաղափարներն ընդունած ընտանիքների համայնքներ, բնական է, որ Սմբատ Զարեհաւանցու հետեւորդները պէտք է իրականացնէին այդ համայնքներում աւատապետական սոցիալ-տնտեսական իրականութեանը հակադիր դոյ-

8) Մխ. Ապարանցի, Աղանդաւոր Հայք Թ.-ԺԵ. դարուց (տե՛ս Ղ. Ալիշան, Հայապատում, էջ 550) :

9) Գր. Մագիստրոս, Թղթեր, էջ 157:

10) Ա. Լաստիվերտցի, էջ 147:

11) Գր. Մագիստրոս, Թղթեր, էջ 157:

քային եւ դասային յարաբերութիւններ: Գրիգոր Մագիստրոսը ասորաց կաթողիկոսին ուղղուած թղթում պարսաւանքների ու լուտանքների հետ մէկտեղ յայտնում է, որ թոնդրակեցիներէ մօտ չբկայ «խտրութիւն արանց եւ կանանց հող ընտանեաց»(12): Մագիստրոսը միաժամանակ պնդում է, որ թոնդրակեցիները անգոսնում են պասն ու ամուսնութիւնը, «եւ զոր սիրով մերձենան յիրհարս կատարեալ սէր համարեն»: Թոնդրակեցիները ասում են, որ «Աստուած սէր է եւ սիրով միաւորիչն կամի եւ ոչ զսպասկ»: Միջնադարեան մի այլ հեղինակ խօսելով միջնադարեան աղանդաւորների եւ մասնաւորապէս թոնդրակեցիների մասին, յայտնում է, որ նրանք թոյլ էին տալիս կանանց «եւլանել ի բեմն»: Այս վկայութիւններից հետեւում է, որ թոնդրակեցիները կնոջ ու տղամարդու միջեւ ոչ մի տարբերութիւն չէին դնում եւ նրանց կապի միակ հիմքը համարում էին փոխադարձ սէրն ու յարգանքը: Արդ, եթէ նրանք հաւատարեցնում էին կնոջն ու տղամարդուն իրենց իրաւունքներով, եւ օրէնքի ու Աստուծու առաջ նրանց դիտում էին որպէս իրաւահաւասարներ, ապա բնական է ենթադրել, որ իրաւահաւասար էին համարում նրանք իրենց համայնքի բոլոր անդամներին:

Այս ծանօթութիւնից հասկնալի է դառնում, որ Մագիստրոսից բերուած տեղեկութիւնը, հակառակ հեղինակի ցանկութեան (Մագիստրոսի նպատակն է եղել տղամարդկանց եւ կանանց միջեւ տարբերութիւն չդնող թոնդրակեցիներին մեղադրել պոռնկութեան մէջ), դալիս է պարզելու թոնդրակեցիների համայնքի անդամների փոխյարաբերութիւնների եւ իրաւական վիճակի կնճռոտ հարցը: Յատկապէս ուշադրաւ է այն փաստը, որ նրանք խտրութիւն չէին դնում ընտանիքների միջեւ: Հետեւաբար, այս փաստի հիման վերայ կարելի է յանդել միայն մէկ եզրակացութեան, այն է՝ թոնդրակեան համայնքի մէջ մտնող ընտանիքներն ու անհատները իրաւահաւասար էին, ապրում էին տնտեսական սերտ համադրութեան բեւ թերեւս իրականացրել էին տիրող աւատապետական կարգերի դէմ մղած մարտերում դիմացկուն ու ստեղծելու նախապայմաններից ամենազլխաւորը՝ արտադրական միջոցների հանրութիւնը:

Ընդդէմ է, վերջին եզրակացութեան համար մեզ չեն հասել ուղղակի վկայութիւններ, սակայն եթէ նկատի ունենանք, որ Ստ. Լաստիվերտցին հրատարակում է թոնդրակեցիների մասին մանրամասն տեղեկութիւններ հաղորդելուց, վախնալով, որ նրանց դադարեցնելը վարակի նման կը տարածուեն ողջ աշխարհում, եթէ վեր-

12) Գր. Մագիստրոս, Թղթեր, էջ 160:

յիշենք այն արիւնահեղ եւ դաժան միջոցները, որոնցմով հայ աւատապետներն ու հայ եկեղեցին դործել են շարժման մասնակիցների դէմ, ապա կը համոզուենք, որ թոնդրակեցիկների մասին Լաստիվերացու եւ միւս մատենադիրների կողմից չհրապարակուած տեղեկութիւններն առաջին հերթին պէտք է հաստատէին նրանց համայնքների համակեցութեան այս արմատական յեղափոխական կողմը:

Այսպիսով Սմբատ Զարեհաւանցին ազատ սիրոյ եւ ազատ աւուանութեան իր արմատական դադափարով խախտում էր աւատապետական հասարակութեան ծնունդ՝ աւատապետական ընտանիքի հիմքերը եւ քարոզում սեռերի ու մարդկանց նոր փոխյարաբերութիւններ:

Մարդկանց իրաւունքների հաւասարեցման հետ միասին նա դնում էր ընտանիքների տարբերութիւնների վերացման, կամ որ միեւնոյն է, նրանց հաւասարեցման մի գաղափար, որի իրականացման նախապայմանը մասնաւոր սեփականութեան վերացումն ու համայնական սեփականութեան ստեղծումն էր:

Թոնդրակեցիկները սոցիալական դրօշ բարձրացրին Թ.-ԺԱ. դարերում ընդդէմ հայկական աւատապետութեան եւ հայկական եկեղեցու, եւ այդ դրօշի վրայ գրեցին այն սոցիալական պահանջներն ու գաղափարները, որոնք թելադրում էր ինքը՝ հայկական ժամանակակից հասարակութիւնը, սոցիալ-տնտեսական իր սուր, անհաշտելի բախումներով:

Թոնդրակեցիկների գաղափարական դրոյթները նախկին հերետիկոսական ուսմունքների համեմատութեամբ որակապէս նոր էին եւ թարմ:

Ինչպէս տեսանք, Սմբատ Զարեհաւանցին իր յեղափոխական գաղափարների քարոզչութիւնը սկսում է Ապահունեաց գաւառի Թոնդրակ(13) աւանում: Կարճ ժամանակում նա գտնում է բազմաթիւ հետեւորդներ եւ գաղափարակիցներ: Այդ գաղափարները տարածուեցին Հայաստանի բազմաթիւ (նոյնիսկ հեռաւոր) գաւառներում ու նահանգներում, ներթափանցեցին հարեւան երկիրները (Ադուանք, Վրաստան):

Արդէն Ժ. դարից մենք ունենք վկայութիւններ, ու անժրիտելի փաստեր Այրարատի, Սիւնիքի, Հարբի, Վասպուրականի, Մանանաղի եւ այլ գաւառների, իսկ քաղաքներից՝ յատկապէս Սընուսի Թոնդրակեցիկների, նրանց գաղափարների ազդեցութեան տակ

13) Թոնդրակ տեղամունը ստուգաբանում եմ կապելով Կոզմիտի եւ Ծաղկոսի գաւառների միջեւ գտնուող Թոնդրիկ լեռնամուտն հետ, որը հայերէն «թոնդիր» բառի միջոցով բացատրուում է որպէս հրաբխային խառնարան:

րունկուած դիւղացիական ելոյթներէ մասին: Եւ ահա շարժումը դուրս դալով Թոնդրակի նեղ քարոզչական շրջանակներէց, Ժ. զարի սկիզբին դառնում է զանգուածային շարժում, որն ընդգրկում է աշխատաւորական լայն խաւերի:

Այս շրջանում շարժման մասնակիցներին այլեւս չի բաւարարում գաղափարների միայն տարածումը կամ, ինչպէս ընդունուած է ասել՝ քարոզը:

Շարժման կողմնակիցներն ու մասնակիցները դիմում են արդէն դործնական քայլերի իրենց գաղափարների իրականցման համար:

Յովհաննէս Դրասխանակերտցին մեծ գայրոյթով է խօսում հայ եկեղեցու դէմ րունկուած դիւղացիական ելոյթների եւ ապրատամբութիւնների մասին, դրանք համարելով անհաւատ եւ անասունած աւազակների ելոյթներ: «Եւ սպա խառն ընդ նոսին եւս աւազակք եւ սրիկայք ելին ՚ի մարտս ընդ երկրի մերում. եւ բազում ինչ ալն էր՝ որ ՚ի նմանէ անցք ընդ աստուածաչէն եկեղեցիս անցանէին, յեղծումն եւ ՚ի խոպանումն եւ յապականումն վարակեալ» (14):

Դրասխանակերտցու պատմութեան յաջորդ հատուածներում արդէն շատ պարզ է տրուած, որ մարտի դուրս եկածները ոչ աւազակներ եւ ոչ էլ սրիկաներ էին, այլ շատ հասարակ մարդիկ՝ տրեխաւոր դիւղացիներ (չարուխաւորներ): Նրանք բացարձակ ապստամբութեան էին դուրս եկել կալուածատէրերի ու եկեղեցիների դէմ եւ յայտարարում էին, թէ բաւական է, որքան մենք քայլեցինք տրեխներով, դուք երիվարներով, ժամանակն է որ դուք հաշնէք տրեխներ եւ ձիերը (աւելի ճիշդ կը լինի ասել իրաւունքները) յանձնէք հասարակ մարդկանց՝ աշխատաւորներին: Դրասխանակերտցու վկայութիւնից պարզ երեւում է, որ դիւղացիների այս ելոյթը ոչ թէ աւազակային ինչ-որ պատահական յարձակում էր, այլ շատ լուրջ դիւղացիական ապստամբութիւն, որը կրում է Թոնդրակեցիների ազդեցութիւնը:

Պատմիչը ուղղակի կերպով վկայում է, որ ոտքի ելած «տրեխաւորները» ցանկանում էին խլել բոլոր տէրերի ու իշխանների կալուածները ու իրաւունքները, հաստատել նոր յարաբերութիւններ, ուր իշխելու էին իրենք՝ ընչազուրկ եւ իրաւազուրկ աշխատաւորները:

Հայաստանի իշխող դասակարգերը միասնական բանակ են կազմում ընդդէմ ժողովրդական ապստամբութեան եւ սրով ու հը-

14) Յով. Կաթողիկոս Դրասխանակերտեցույ, Պատմութիւն Հայոց, էջ 256-257:

րով, անասելի դատանութեամբ ճշում են թոնդրակեցիների շարժման առաջին կազմակերպուած ելոյթները :

Երկիրը զրկուած է աշխատաւոր ձեռքից, տնտեսութիւնը ապրում է քայքայում, իշխում է սովը, աղքատութիւնը, հալածանքն ու թշուառութիւնը : Դրութիւնն աւելի է ծանրանում կրկնուող անտարբերութեան եւ համաճարակի պատճառով(15) :

Ուշադրան այն է, որ պատմիչը չի մոռանում շեշտել, որ երկրի այսպիսի ծանր ու դառն վիճակն արդիւնք էր ոչ թէ օտար թշնամիների արշաւանքների ու ասպատակութիւնների, այլ հայ հասարակութեան տարրեր շերտերի թշնամական բախումների ու սոցիալական կոռւնքների :

Յովհ. Դրասխանակերտցու տուեալները կասկած չեն թողնում, որ Ժ. դարի սկզբներին Հայաստանի սրտում՝ Այրարատում, յեղափոխական շարժումը աւատապետութեան դէմ արտայայտուած էր ամենամարտական ձեւով, որպէս բացարձակ զինուած ապստամբութիւն : Բայց Այրարատը մենակ չմնաց. զինուած ելոյթներ ընդդէմ օրաւուր ուռճացող եկեղեցու՝ բռնկուեցին նաեւ Հայաստանի այլ գաւառներում, որոնցից յատկապէս նշանաւորներից են Սիւնիքի աշխատաւորութեան ելոյթները :

Ստեփանոս Օրբէլեանի «Պատմութիւն Նահանգին Սիւսական» մեծարժէք աշխատութիւնը, ուր հաւաքուած են Ժ. դարից բազմաթիւ արխիւային փաստաթղթերի ու արձանագրութիւնների պատճէններ, հնարաւորութիւն են տալիս աւելի մանրամասնօրէն քննել զիւղացիական հերոսական այն ապստամբութիւնների ընթացքն ու պատմութիւնը, որոնք ողջ դարի ընթացքում ահ ու սարսափի մէջ էին պահուած Սիւնիքի տիրող դասակարգին : Թ. դարի վերջերին եւ Ժ. դարի սկզբներին Սիւնիքում կառուցուած եւ վերակառուցուած են բազմաթիւ վանքեր ու մենաստաններ (Սեւան, Նորավանք, Գաղեվազ, Տաթեւ եւ այլն) : Այդ վանքերը՝ նուիրարբերումների ու գրնումների միջոցով տէր են դառնում տասնեակ զիւղերի, ազարակների, ջրանցքերի, ջրաղացների, ձիթհանքերի եւ այլ շարժական ու անշարժ ունեցուածքների : Հոգեւորականութիւնը իր կալուածքների վրայ ընակուող զիւղացիութեանը ծանր շահագործման ենթարկելով, կուտակել էր հսկայական հարստութիւններ եւ ձգտում էր օրըստօրէ էլ աւելի ընդարձակել իր կալուածքները :

Որպէսզի մօտաւոր դադափար կազմենք, թէ ինչ հսկայական միջոցների տէր էին Սիւնիքի վանքերը, բաւական է ծանօթանալ Երասխի ափին Գիւտ եպիսկոպոսի կողմից կառուցուած վանքի հա-

15) Տես՝ Առյճը, էջ 260 :

ըրատութեանը: Վանքն ունէր 5 դիւղ, 1000 արջառ, 12-000 ոչխար, 700 ուղտ, 600 ձի, 400 էջ եւ մեծ թուով այգեպաններ ու բանուորներ: Սիւնիքի վերոյիշեալ վանքը դեռ ամենահարուստներից չէր եւ իր ունեցուածքով շատ ետ էր մնում մեծ թուով այլ վանքերից:

906 թուականին աւարտում է Տաթեւի վանքի վերաշինութիւնը: Վանքի նաւակատիքին ներկայ են լինում շատ նշանաւոր իշխաններ ու բարձրաստիճան հոգեւորականներ:

Սիւնեաց զահերէց իշխան Աշոտը վանքին նուիրում է. «ըզՅօղունի դիւղ ի Հարանդ զաւառի եւ զԲնունիք ի Սիւնիս, ի Ծըղակէ զաւառի, շնորհէ եւ զՅուր բերդովն եւ ապարակօքն եւ զզեան Յուրայ եւ զվանքն...» (16) եւ բազմաթիւ այլ կալուածքներ: Նման նուիրաբերումներ իրենց հոգու փրկութեան համար կատարում են նաեւ միւս իշխաններն ու մեծահարուստները: Միանգամայն հասկանալի է, որ դիւղացիութիւնը մեծ դիմադրութիւն է ցոյց տալիս եւ չի ցանկանում դառնալ վանքապատկան: Եւ սկսում են տասնեակ տարիներ տեւող սուր պայքար վերոյիշեալ ու մի շարք դիւղերի (Շնհէր, Տանձատափ, Տամալէկ) ու Տաթեւի վանքին միջեւ: Սիւնեաց մետրոպոլիտ եւ Տաթեւի վանահայր տէր Յովհաննէսը «բազում անգամ» փորձում է, բայց չի կարողանում «հալածել զքնակիչսն (Տամալէկայ) եւ սեփականել տեղին»: Գիւղացիութիւնը կազմակերպում է դիմադրութիւն ընդդէմ եկեղեցու ու աշխարհիկ իշխանութեան միասնական ուժերի:

Սիւնիքի շարժումների մէջ իր յամառութեամբ ու հերոսական դրուագների հարուստ պատմութեամբ առանձնակի տեղ է բռնում Յուրա բերդի բնակիչների դիմադրութիւնը:

Ինչպէս տեսանք, Տաթեւի վանքի նաւակատիքի հանդէսից, վանքը՝ բազմաթիւ այլ կալուածքների հետ մէկտեղ զահերէց Աշոտ իշխանից նաեւ նուէր է ստացել այս Յուրա բերդը: Բայց «հայրենատէր» դիւղացիները հրաժարուեցին իրենց իրաւունքները ոտնահարող հրամանին ենթարկուելուց եւ դուրս չեկան իրենց բնակավայրերից: Աւելին՝ «ի ժամանակս Սմբատայ՝ որդւոյ Աշոտոյ» նըրանք «բազում ու մեծամեծ վիշտս հասուցանէին սուրբ ուխտին Տաթեւոյ»: 915 թուականին, մի դիշեր, դիւղացիները կազմակերպւած ձեւով յարձակում են Տաթեւի վանքի վրայ, կողոպտում են եկեղեցին, կրօնաւորների բնակարանները, սպաննում եւ վիրաւորում են հոգեւորականներից մի քանիսին, իրենց հետ տանում են մեռոնով լի սափորը, խփում ժայռերին եւ թափում սուրբ հեղուկը («վայթեցին ընդ քարն»):

16) Ստ. Օրբէլեան, էջ 229:

Յովհաննէս եպիսկոպոսը, որը գիշերը վանքում չլինելով վերկուել էր դիւղացիների դատաստանից, միւս օրը դալով վանք, տեղեկանում է կատարուածի մասին, նղովում է ցուրաբերդցիներին, բայց չի վստահում այլեւս ընակուել վանքում: Հաւաքելով վանքի սրբութիւնները եւ մնացած միաբաններին «եւ եւ դնաց յօտար աշխարհ»:

Սիւնեաց իշխան Սմբատը լսելով այս մասին, հաւաքում է իր շուրջը Սիւնիքի իշխաններին եւ կաղմակերպուած արշաւանք դործում Յուրա բերդի ընակիչների դէմ: Աւատապետական զինուած ուժերը դաշինք կազմած եկեղեցու հետ, տմարդի միջոցներով կոտորում են ցուրաբերդցիների զիմադրութիւնը, ոչնչացնում շատերին՝ «մեծամեծ պատիժների ու պատուհասների» միջոցով հալածելով նրանց իրենց հայրենի ընակալայրերից, կալուածքը յանձնում են «ի սեպհական ժառանգութիւն եկեղեցւոյն»:

Բայց անէծքներն ու նղովքները անկարող էին սանձել բողոքի ու սոցիալական պայքարի այն եռանդը, որ կրում էին իրենց մկաններում Յուրաբերդի վիւղացիները: Որոշ ժամանակից յետոյ, երբ Տաթևի վանքը թոյլատրում է, Յուրաբերդը նորից վերաշինուում է, վերադառնում են նախկին տէրերը՝ հայածուած ու վտարուած վիւղացիները, եւ շարունակում են իրենց պայքարը ընդդէմ կղերականութեան: Ապստամբներին յաջողում է նոյնիսկ սպաննել Տաթևի Յակոբ եպիսկոպոսին եւ պաշտպանել իրենց տնտեսական ու սոցիալական իրաւունքները: Յակոբի յաջորդը՝ Գրիգոր եպիսկոպոսը զիմում է Սիւնեաց Վասակ Թադաւորին, ապստամբութիւնը ճնշելու համար: Սիւնեաց իշխանները դարձեալ զինուած ուժերով յարձակում են Յուրաբերդի վրայ: Ինչպիսի զիմադրութիւն են ցոյց տալիս Յուրայի պաշտպանները եւ ինչ հսկայական կորուստների պնով է յաջողում իշխաններին ընկճել նրանց զիմադրութիւնը, մենք չգիտենք: Պատմիչը ժլատ կերպով գրում է միայն, որ՝ Վասակը հրամայում է բերդը հիմնայատակ կործանել եւ «բնուին ի բաց ջրնջկ զտեղի բերդոյն»: Յուրաբերդցիների այս վերջին անհաւասար կռիւր պէտք է որ տեղի ունեցած լինի 998 թուից մէկ-երկու տարի ետք, ուստի Սիւնիքի վիւղացիների պայքարը ընդդէմ հոգեւորականութեան եւ ողջ Ֆէոդալական դասակարգի, որոշ ընդհարումներով, մակընթացութեամբ եւ տեղատուութիւններով տեւել է շուրջ մէկ դար, 906 թուից մինչեւ Ժ. դարի վերջը: Ժ. դարի կէսերից թոնդրակեան շարժման կոնկրետ արտայայտութիւնների ու վիւղացիական ընդվզումների մասին մեզ հասել են մի քանի ակնարկներ ու կողմնակի վկայութիւններ: Այսպէս օրինակ, յայտնի է, որ Սմբատի աշակերտներից Կիւրեղը բազմաթիւ հետեւորդներ է գտել Թու-

լայլ աւանում (այստեղ էլ առաջացել է թոնդրակեցիների մի հաա-
ուածի թուլայլեցի կոչումը), այնուհետեւ շարժման դադափարնե-
րը խոր արմատներ են ձգում Սնուում (Սնուաի թոնդրակեցիները
բացառիկ յամաուութեամբ հաւատարիմ են մնացել իրենց դադա-
փարներին մինչեւ ԺԹ. դարը) եւ մի շարք այլ դաւառներում: Բայց
այս երկրորդ շրջանի ընտրող կողմը այն է, որ շարժմանը սկսում
են միանալ նաեւ տիրող դասակարգերի ցածրաստիճան հոգեւորա-
կաններ, մանր ազնուականութեան որոշ ներկայացուցիչներ, մտա-
ւորականներ եւ այլ խաւեր, որոնք երկփեղկում, պառակտում են
շարժումը երկու միմեանց արմատականորէն տարբեր ուղղութիւն-
ների:

Այս շրջանում թոնդրական ազանդին միանալու մէջ մեղա-
դրւում են եկեղեցու այնպիսի դործիչներ, ինչպիսիք են Գրիգոր
եւ Անանիա Նարեկացիները, Կճալայ վանքի (Վասպուրական) միա-
բաններից մի քանիսը եւ եկեղեցական այլ դործիչներ:

Մանր ազնուականութեան ներկայացուցիչները միանալով
շարժմանը, ցանկանում էին ժողովրդական յեղափոխական յուզում-
ները ուղղել իրենց դասային նեղ շահերի օգտին, այն է՝ եկեղե-
ցական հողատիրութեան հաշուին վերականգնել տնտեսական իրենց
նախկին հօրութիւնը եւ իրենց դասի տնտեսական աստիճանական
անկման առաջն առնել: Միանալով շարժմանը, իրենց ուրոյն տնտե-
սական ու քաղաքական խնդիրներով, շարժման այդ նոր մասնակից-
ները անշուշտ թուլացնում էին թոնդրական յեղափոխական թա-
փը: Սակայն նրանց շարքերից երբեմն դուրս են գալիս այնպիսի
բէմքեր, որոնք իրենց հիմնական դադափարներով ու դործելակեր-
պով կարողանում են խզել կապերը իրենց միջավայրի հետ եւ հան-
դէս գալ որպէս ժողովրդական լայն զանգուածների սոցիալական ու
տնտեսական ձգտումների իրականացման համար մղուող մարտերի
քաջարի մասնակիցներ ու ղեկավարներ:

Ժ. դարի վերջին Հայքում յայտնի էր Յակոբ անունով մի
եպիսկոպոս: Այդ Յակոբն իր ճգնաւորական կենցաղով, խիստ բար-
բերով եւ առաքինութեամբ «ի գարմանս շարժէր զհեռաւորս եւ զմեր-
ձաւորս»: Նա այնպիսի հեղինակութիւն է ձեռք բերում, որ Լաս-
տիվերտցու արտայայտութեամբ, եթէ նոյնիսկ հրամայէր «զհոգիս
հանեալ» ոեւէ մէկը չէր ընդդիմանայ նրան, այլ սիրով կը կատա-
րէր նրա հրամանը: Յակոբը հիանալի քարոզիչ էր եւ իր ճարտար
լեզուով «կախարդեց զբազմաց լսելիս»: Հարքում ձեռք բերելով
բազմաթիւ համախոհներ, նա սկսում է իր դործունէութիւնը ընդ-
դէմ պաշտօնական եկեղեցու: Նախ սկսում է անարժան քահանանե-
րին կարգալոյծ անել եւ նրանց փոխարէն առաջ քաշել իր մարդ-

կանց: Կարգադրում է տարուայ ընթացքում կատարել միայն երեք պատարագ, հիմնաւորելով իր այս կարգադրութիւնը Սմբատ Զարեհաւանցու ուսմունքի զինանոցից հանած այն արմատական դրոյթով, որը իւրաքանչիւր ոք իր կենդանութեան օրօք պէտք է քաւի իր մեղքերը, կամ ընթանայ ուրիշ ճանապարհով, իսկ մահուանից յետոյ նրա հոգու փրկութեան համար արուող պատարագներն ու մատաղներն աւելորդ եւ անիմաստ միջոցառումներ են: Հայոց եկեղեցին երկու անգամ մեծ ժողովներ է դումարում Յակոբին կարգալոյծ անելու եւ պատժելու համար, սակայն Յակոբը չի ներկայանում ժողովին, իսկ «իշխանք դաւառին – յայտնում է պատմիչը –, խոստանային պատերազմի օրինակաւ մեռանել յառաջ՝ քան թէ դնա, ի ձեռս ժողովոյն տալ»(17):

Իսոյ Յակոբը շուտով դառնում է ստոր մատնութեան զոհ, նրան միացած կրօնաւորներից մէկը՝ Եսու անունով, դնում է այն ժամանակուայ կաթողիկոս Սարգսի մօտ (992–1019 թթ.), մանրամասնօրէն պատմում նրա բոլոր ծրագրերը եւ մատնում նրան: Յակոբին կարգադուրկ են անում եւ աղուէսադրոյծ են խաբանում ճակատին, եւ նետում բանտ: Հետագայում փախչելով բանտից, Յակոբը դնում է Ոլաթ լեռը եւ իր համախոհների հետ զինուած պայքար մղում տիրող կարգերի դէմ: ԺԱ. դարի սկզբին թոնդրակեան գաղափարները տարածուել ու արմատաւորուել էին Հայաստանի տարբեր շրջաններում: Չկար շարժման ղեկավարութեան միասնական կեդրոն, ընդհակառակը, ամէն մի շրջան գործում էր ինքնուրոյն ձեւով, մի տեղ շարժման ղեկավարութիւնը գտնւում էր աւատապետական կարգերը յեղափոխական ճանապարհով վերափոխելու կողմնակիցների ձեռքում, մի այլ տեղ իշխում էին բարեկարգումի ջատագույնները:

Թոնդրակեան գաղափարների տարածման միւս կարեւոր օճախը Եկեղեաց նահանգի Մանանաղի գաւառն էր: Այնտեղ բորբոքուած հրդեհի մասին նորից տեղեկութիւն է հաղորդում Ա. Լաստիվերտցին: Շարժումը սկսում է ազդով աղուան մի արեղայի աշակերտած՝ Կունծիկ արեղայի քարոզչութեամբ: Կարճ ժամանակում Կունծիկին յաջողում է իրեն գաղափարակից դարձնել Հրանուշ անունով մի ազնուականի տիկնոջ, իսկ նրա գործակցութեամբ նաեւ Աինի եւ Կամարա ազնուական քոյրերին: Շուտով սրանց եղբայր Վրվէտը, որ մինչ այդ «յառաջագէմ էր ի հանդէս բարեպաշտութեան» եւ նոյնիսկ իր կալուածքում կառուցել էր վանք ու հաւաքել «ճգնաւոր եղբայրս», նոյնպէս միանում է աղանդաւորներին: Վե-

17) Ա. Լաստիվերտցի, էջ 148:

բոյիչեալ իշխանների կալուածքների ու գիւղերի բոլոր բնակիչները միանում են շարժմանը եւ սկսում են աւերել իրենց սահմաններում գտնուող եկեղեցիներն ու սրբավայրերը, կոտորւմ են խաչքարերը եւ վռնտում տեղի հողեւորականներին: Տեղի եպիսկոպոս Սամուէլն իմանալով այդ մասին, իր շուրջն է հաւաքում հողեւորականների եւ կողմնակիցների մեծ բանակ եւ արշաւում Վրվէռի իշխանանիստ զիւղը, հրդեհում է այն, աւերում եւ ձերբակալելով աղանդաւորների վեց առաջնորդների, աղուէսագրոշմ է խարանել տալիս նրանց դէմքին ու նղովում:

Թոնդրակեցիների վերջին ելոյթը տեղի է ունենում դարի կէսերին, շարժման բուն կեդրոնում՝ Ապահունեաց գաւառում:

Գրիգոր Մաղխատրոսը՝ Միջագետքի կուսակալը, բիւզանդական ու հայկական զօրքերի գլուխ անցած յարձակում է շուրջ երկու հարիւր տարի հայ աւատապետական բանակը ահ ու սարսափի մէջ պահող Թոնդրակեան շարժման օրբանի եւ ամենաուժեղ կեդրոնի վրայ:

Հրի ու սրի միջոցով 1052 թուականին ճնշւում է Թոնդրակեցիների շարժումը: Պայքարի ելած հազարաւոր անվեհեր մարտիկներ զոհւում են այդ անհաւասար կռուում:

Թոնդրակեցիների քարոզած դադափարներից եւ շարժման ընթացքից գալիս ենք այն համոզման, որ յանձինս Թոնդրակեցիների, հայ միջնադարում մենք դորձ ունենք ոչ թէ նեղ աղանդաւորների եւ աղանդաւորական շարժման հետ, այլ հայ եկեղեցու եւ աւատապետական կարգերի դէմ ուղղուած աշխատաւորական լայն շերտերի (եւ առաջին հերթին զիւղացիութեան) յեղափոխական շարժման հետ:

Թոնդրակեանները պայքարելով աւատապետական կարգերի եւ եկեղեցու դէմ, կարծում էին, որ կը կարողանան ստեղծել բոլոր աշխատաւորների համար ազատ կեանքի եւ իրենց իսկ կողմից ստեղծուող նիւթական բարիքների հաւասար բաշխման իրաւունքի պայմաններ:

Թոնդրակեցիներին ի հարկէ չյաջողուեց եւ չէր էլ կարող յաջողուել իրականացնել իրենց սոցիալական երազանքը եւ որեւէ յաղթանակի հասնել: Այդ շարժումը անողոքաբար ճնշուեց տիրող դասակարգի կողմից, որովհետեւ նրա դէմ ծառայան աւատապետների եւ հոգեւորականների կազմակերպուած ուժերը, որովհետեւ գիւղացիութիւնը մենակ էր այդ անհաւասար դօտեմարտում, չուներ դաշնակից եւ ղեկավար ոյժ:

THE MOVEMENT OF THE TONDRAKE COMMUNITY FROM THE 9TH CENTURY TO THE 11TH

VARTKES HAMAZASBIAN

(Summary)

During the reign of the Bagratooni rulers, from the 9th century to the 11th, newer interrelations of social classes paralleled the economic progress in Armenia. Besides the nobility and the great traders, individual clergymen and convents received ownership of vast lands and riches on the one hand, and on the other, the rural masses and craftsmen rose in conflict against the nobility and the clergy under the cover of religious movements or in overt uprising. Of these rebellious movements, equipped with religious profession, the one outstanding was that of the Tondrake community, whose founder and ideologist was Sempad of Zarehavan, from the village of Zarehavan in the province of Dzalgotn. Sempad of Zarehavan and his followers waged bitter war against the religious leaders and rejected most of the ecclesiastical rites and religious traditions, such as baptism, marriage, communion, mortuary feast for the poor, requiem ceremony, etc., which, according to the ideology of the Tondrake community, mainly enhanced the material prosperity of the church and its leaders. The people of Tondrake professed the omnipresence of God and rejected materialism. They knew no discrimination between men and women, and allowed the latter to preach. In the 10th century, the ideology of the Tondrake community won great popularity, even in the ranks of the nobility and the clergy. Soon, however, the nobility and the clergy contrived against the Tondrake community a warfare that found its cruellest perpetration in Sunik. After engaging in ideological and armed conflict for two hundred years, the Tondrake community was peremptorely defeated in 1052 at the hands of the armies of the governor of Mesopotamia, Gregory Magistrus.